





肅松錄卷一目次

御製

諭工部勅

諭修明思陵詔


祭明諸陵文

祭明思陵文

明司禮監王承恩碑文

諭祭明司禮監王承恩文

諭禮部護明陵詔 附禮部告示



房木金
本朝令典 附

附記

明洪熙長陵神功聖德碑

明崇禎諭天壽山守備勅

明謁陵紀事

肅松錄卷二目次

明陵制

長陵規制

各陵規制

長陵

獻陵

景陵

裕陵

景皇帝陵

茂陵

泰陵

康陵

永陵

昭陵

定陵

慶陵

德陵

思陵

附

康老墓

賢妃二井

悼恭太子墓

哀冲太子墓

萬妃墓

鄭貴妃墓

鄭貴妃墓

太監王承恩墓

悼陵

果園

榛廠

陵衛舊制

陵監舊制

陵監特設

陵戶舊制

陵戶特設

明陵薦新制

肅松錄卷三目次

載記

思陵開塋申文

思陵俘祭奏記

禁盜毀明陵示

提督總監昌宣軍務題名碑記

勅建明懷宗思陵碑記

明陵記

詩

宣德丙午謁二陵

楊士奇

仁宗昭皇帝輓詞

王英

景陵輓歌二首

王直

春日扈駕謁陵

周叙

朝謁皇陵

有燉

清明節同高苗二學士扈駕謁山陵次韻

許彬

裕陵輓詞

劉定之

孝宗皇帝輓歌詞四首

李東陽

大行皇帝輓歌

巳亥中元陪祀山陵道中奉和楊學士韻

恭送孝穆皇太后祔葬茂陵

王鏊

武廟輓歌

毛紀

冬至謁陵次三江送行韻

顧清

望泰陵恭賦

李夢陽

天壽山

邊貢

過壽陵故址

望天壽山三首

望泰陵恭賦

何景明

送呂內翰恭謁皇陵二首

劉德微上陵回有贈

謁茂陵祀孝貞太后

薛蕙

至日陪祀長陵

鄭善夫

泰陵詩

武皇上賓同百官哭於思善門外

陳沂

諸陵望幸

任瀚

康陵陪祀

王維禎

孝烈皇后挽歌

恭謁康陵書感

黃佐

展陵曲

皇甫汸

上陵作

宗臣

謁康陵

顧夢圭

天壽山行宮

王廷幹

癸亥暮秋遣祀山陵恭覽七陵御寢

蔡汝楠

秋日謁陵眺望二首

梁有譽

世宗皇帝輓章二首

吳國倫

祗事昭陵述感

黎民表

陪祀昭陵紀事有作

趙用賢

宿昭陵齋房呈溟南趙館丈

景泰窪

虞淳熙

神宮監三首

古壽宮歌

謁泰陵

郭維藩

聖駕九日天壽山登高獻三閣下

潘緯

甲申春月扈從車駕奉兩宮聖母閱定壽宮賜綵

花文綺等物

于慎行

奉和霜降祀陵

黃克晦

重謁二陵

楊士奇補

春日扈駕謁陵

周叙補

五月七日陪祀泰陵

王鏊補

天壽山

石珪

長陵西望泰陵

徐禎卿

昌平道中作

應亮

和馮員外秋日上陵

魏允中

奉祀天壽山

并序

李傑

朝陵歌二首

張才

謁康陵

江暉

孝烈皇后輓歌

林爓

大行方皇后輓歌

王世貞

諸陵月下送潘尚寶

袁中道

上永陵

鄭明選

西山謁景皇帝陵

朱國祚

謁定陵有感述

恭謁慶陵二首

遣祀景陵

郭正域

朝陵遇雨

區大相

供事長陵二首

霜降請謁德陵

鄭以偉

陪祀長陵

沈孝徵

長陵陪祀

劉士驥

謁景皇帝陵

姚希孟

光宗皇帝輓歌二首

陸寶

萬曆皇帝輓歌

曹學佺

泰昌皇帝輓歌四首

過天壽山

顧玘徵

天壽山六十韻

顧絳

肅松錄卷四目次

詩

長陵

譚吉璉

獻陵

景陵

裕陵

茂陵

泰陵

康陵

永陵

昭陵

定陵

慶陵

德陵

思陵

辨

賢妃二井辨

又辨

康老墓辨

景泰陵辨

思陵辨

附記

錄筆譚一則

錄鄭端簡今言六則

錄滄江逸史二則

錄國朝典故一則

錄靜志居詩話一則

譚吉璫

蔣薰

譚吉璫

蔣薰

蔣薰

錄竹垞詩話一則

序

肅松錄序

譚吉璉

肅松錄後序

蔣薰

肅松錄

卷一

山東登州府知府

臣譚吉璉編輯

御製

世祖章皇帝諭工部勅

諭工部前代陵寢神靈所棲理應嚴為防護朕巡幸
畿輔道經昌平見明朝諸陵寢殿宇牆垣傾圮殊甚
近陵樹木多被斫伐向來守護未周殊不合理爾部
卽將殘毀諸處盡行修葺見存樹木永禁樵採添設
陵戶令其小心看守責令昌平道官不時嚴加巡察

爾部仍酌量每年或一次或二次差官察閱勿致踈虞特諭

順治四年四月

日

世祖章皇帝諭修明思陵詔

朕惟膺圖永祚統紹百王而創業宏模情殷勝國歷觀史冊興亡之迹考其治亂得失之由僉以政荒遂干天譴邦國旣隳士民罔懷惟有明莊烈愍皇帝實治理之究圖惜贊襄之莫逮以致寇氛犯闕宗廟爲墟追念喪師匪因失德朕每念及此未嘗不惻焉傷心也頃者兩幸昌平周視明代陵隧躬親盥奠俯仰徘徊以彼諸陵規制咸壯麗相因獨愍帝之陵荒涼庠隘典物未昭原彼當年孜孜求治宵旰不遑祇以

有君無臣薄海鼎沸洎乎國步傾危身殉社稷揆諸正終之例豈同亡國之君朕於憑弔之餘撫徃興悲不禁流涕因欲繕治陵寢丹堊几楹慰靈爽於九京彰異數於奕禩廼核少府金錢悉皆小民正供儻增工徒之費殊乖賦式之經然終不忍聽其闕畧用是布告方州開導悃忱交相輸助聿新礪甃以肅松楸爾等溯厥源流夙沐前朝之澤凡茲臣庶寧無故主之思矧愍帝之終異於徃業而勸忠之感當有同心或列籍薦紳或齒登編戶恩沾累世德濺高曾勿以革故爲嫌咸致事亡之誼各隨心力共佐經營在內所捐貯諸工部至各直省地方輸之有司彙解工部猶慮經費浩繁紆以歲月計貲罔缺工役廼興繕以周垣崇其寢殿奢靡不尚雖少遜厥諸陵鳩庀獨新庶無曠乎儀制所在奉行毋滋擾害克成斯舉式副朕心

順治十六年十二月

世祖章皇帝祭明諸陵文

維順治十六年歲次己亥十一月戊午朔越十有七日甲戌

皇帝致祭於 明成祖皇帝 仁宗皇帝 宣宗皇帝

英宗皇帝 憲宗皇帝 孝宗皇帝 武宗皇帝

世宗皇帝 穆宗皇帝 光宗皇帝 熹宗皇帝 諸

帝丕承鴻運撫有寰區蒞政理民為一代主朕巡幸畿輔道經昌平瞻陵寢之在茲景流風而興感特以牲帛醴齊庶品之儀用申祭享尚其歆格

世祖章皇帝祭明思陵文

維順治十六年歲次己亥十一月戊午朔越十有七日甲戌

皇帝致祭於

明莊烈愍皇帝曰惟帝英姿蒞政志切

安民十有七年勵精靡懈詎意寇亂國亡身殉社稷向使時際承平足稱令主祇以襲敝政之餘逢陽九之運雖才具有爲而命移莫挽朕恆思及憫惜良深今因巡幸畿輔道經昌平陵寢在焉顧瞻增感特以牲帛醴齊庶品之儀用申祭享尚其歆格

世祖章皇帝御製明司禮監太監王承恩碑文

朕聞烈士徇名齋志而歿貞臣衛主捐軀以從自有
明失馭寇陷都城懷宗皇帝敦國君死社稷之義崩
於石室時有司禮監秉筆太監王承恩者攀龍髯而
矢志甘雉頸以從君陪縊於傍死而猶跪嗚呼若承
恩可謂事君有禮不忘其忠者矣夫人臣事主無二
厥心爲其易者與爲其難者途逕若分理道則一人
臣之懷有二心者倖圖苟免甘心事讐乃在平日侈
讀詩書高擁爵位之人無論生無以爲人死無以爲

鬼對若人其亦何地置足耶朕殲除巨憝用彰民彝
既禮葬懷宗皇帝於思陵因賜承恩堂域一區俾葬
兆外以從厥志仍錫之香火田地豎之穹石使後世
知難危之際內員中乃尚有忠烈而如承恩者

順治二年四月

日

碑陰

原任總督天下各鎮援兵督祭京營戎政勇
衛軍門掌御馬監司設監巾幅局寶和等店
大庖厨印務司禮監
秉筆太監王承恩

世祖章皇帝諭祭明司禮監太監王承恩文

朕嘗考諸史冊見夫忠臣烈士身殉國難名炳千載
未嘗不掩卷三歎也雖忠義之性命之於天人人可
以自盡然變亂之際利害動於中禍患怵於外依違
瞻顧多不能引決求夫風雨不渝其常霜雪不易其
操者蓋難之矣若夫掖庭之中貂珥之列或恪共著
美或勤慎流徽若漢之呂強唐之張承業亦可謂賢
矣至於國家多難秉志不移忠誠貫於金石氣節昭
於日星尤足以激末流而挽頹俗也如明司禮監太

監王承恩者有可紀焉當明季寇訐海內鼎沸莊烈
愍皇帝勵精圖治宵旰焦心原非失德之主良由有
君無臣孤立於上將帥擁兵而不戰文吏嗜沓而營
私以致羣寇縱橫不能奏績逮逆渠也闕國勢莫支
帝遂捐生以殉社稷而一時戴縵垂纓之士在平時
則背公樹黨遇難則苟且偷生言之可爲太息惟有
范景文等十九人無愧臣節業賜謚致祭以旌其忠
然多士盈廷能赴義捐軀者蓋不多見獨承恩目擊
艱危從容就義從死愍帝之侑其嶽嶽之風節卽古

之忠臣烈士何以加焉旣乃託體山阿瘞骸林麓永
近園陵常依隧道可謂式慤幽靈用綏貞魄者矣朕
自踐祚以來斟酌前代之典章洎夫有明恒深嘉歎
其列代山陵近在畿輔向令永禁樵採守護維嚴於
順治十六年因東狩駐蹕昌平觀勝國之松楸感廢
丘之霜露諸陵周覽心惻久之爰至思陵念愍皇帝
精勤邁亂亡國非辜躬奠椒漿尤增憫泣顧見陵側
有土一杯卽承恩墓也特命從臣酌酒焉邇者當省
斂之時展軫宵駕載履明諸陵拜陳醑醴復徘徊於

思陵之所撫荒墟而灑泣瀝旨酒而痛心念茲從死
之臣彌興節義之感手一卮命大臣拜奠其墓以勸
忠也謚義危身奉上險不辭難曰忠故忠君愛國庸
人每未之逮貞烈之士毅然行之使百世之士聞而
興起者慕義無窮也矧承恩趨侍宮掖出入禁闈其
責任不繫乎封疆名位不同乎公輔而獨能視死如
歸豈非較然不欺其志者哉以視世之讀書明大義
負重名者變故當前依阿澆恣幸免旦夕其爲人賢
不肖又何如也用是勒之貞珉使盡忠者以爲勸不

忠者以爲戒且以告天下萬世之爲人臣者

順治十七年五月初八日

今皇帝諭禮部護明陵詔

諭禮部往代帝王陵寢所在地方理宜守護以安神靈朕近行幸湯泉道經昌平見明朝諸陵殿宇雖存戶牖損壞附近樹木亦被摧殘朕心深爲憫惻爾部卽嚴加申飭守陵人戶令其小心護防仍責令該地方官不時稽察勿致仍前怠玩以副朕優禮前代之意特諭

康熙十四年九月

日

禮部告示欽此欽遵到部合行出示嚴禁爲此示仰該地方官員守陵人戶遵照

上諭內事理嗣後宜小心巡察不許仍前怠玩如守陵人戶通同徇縱以致戶牖損壞樹木摧殘并奸民樵採作踐者着地方官嚴拿送部究治如該地方官不行嚴禁查出定行題叅不貸特示

本朝令典

大清

順治四年夏四月命工部修明陵

九年禁明陵樵採

十六年十一月

世祖駕幸明陵入昌平城出自西門 十五日移營西

山口龍虎臺次日祀明陵

世祖至思陵拜奠大慟從臣皆感激泣下命閣臣金之

俊撰思陵碑記 十二月頒

肅穆錄 卷一
御製勸輸修明思陵疏

康熙六年遣官祭明陵

十一年春正月二十五日

上奉

太皇太后出關遣太常寺祭明陵

附記

明洪熙長陵神功聖德碑

上天眷佑我國家隆景運於萬年篤生皇考皇帝以至仁大聖安宗社於瀕危啓太平於再造武功文德之盛巍巍乎蕩蕩乎既合羣臣言奉冊寶上尊謚惟先陵咸有功德之碑謹循彝章叙述大槩刻於貞石樹之長陵用昭示無窮叙曰皇考太宗體天弘道高明廣運聖武神功純仁至孝文皇帝太祖高皇帝第四子也毋孝慈高皇后皇考初生有光氣五色滿室

久而不散及長姿貌奇偉舉止不凡有善相者見之
曰龍顏鳳姿天章日表他日太平天子也睿智聰明
孝友仁厚一本於天性勤學問書一覽終身不忘該
貫經史旁通天文地志百家之書得其要領日引輔
臣講晰論辯未嘗厭倦精識卓見出衆意表而虛已
納善意豁如也兼文武才度量恢廓規模廣遠寬仁
愛人好賢禮士英傑智勇咸樂爲用下暨厮卒悉歸
心焉洪武三年高皇帝封建諸子曰元之舊都地廣
民衆且密邇北■非有大器量不足以鎮之封皇考

爲燕王十三年就國訪民疾苦勞來撫綏躬行節儉
秋毫無取德威并施民用輯和年穀屢登商賈四集
俗無爭訟國中晏然兩奉命征■■踰漠北萬里外
■其名王以下不可數計所得部衆駝馬悉歸朝廷
自是功名日盛而謙下愈至會懿文太子薨術者言
燕地有天子氣高皇帝上賓建文君嗣位左右以望
氣之言屢進削奪之計時諸王多以罪削於是姦臣
造誣飾詐言皇考之過責過之書數下王府羣臣惴
慄皇考諭之曰省己不愆奚恤外言哉凡四上章自

白姦人皆匿不奏又布置其黨於北平三司繼調入
府兵圍王城護衛群臣言事急矣寧當俛伏作几上
肉乎皇考曰此非上意姦臣所爲耳衆曰朝有姦臣
親王誅之此祖訓也奈何不率而坐受生繫旣而圍
城兵增三匝衆忿趨出鬪皇考不能止也適聞赴鬪
者咸奮死力以一當百圍城兵稍却皇考泣曰汝輩
成吾罪矣猶上章自白冀朝廷之開悟也又爲姦臣
所格不達而京師數十萬兵奄薄城下於是皇考誓
天曰臣不敢負朝廷然姦臣之志不但在臣也臣不

往請誅之將壞及朝廷遂以護衛將士朝京師冀陛
見謝罪且面陳姦臣之罪請誅之卽歸奉籓時朝廷
召四方兵皆至道途所遇倒戈迓降皇考撫而散遣
之而多願留侍衛不去旣臨大江護江之帥具舟迎
濟守城親開門豫待皇考慮驚乘輿駐金川門遣人
奉章具陳所以不得已來朝廷故姦臣倉皇知罪不
宥閉皇城門不內而脅建文君自焚皇考大驚發衆
馳救至已不及皇考仰天慟曰臣之來固將清君側
之惡用寧邦家何意竟蔽於姦回不寤遂備天子禮

前本錄 卷一
斂葬釋親王囚執姦臣數人數其罪斬於市告謝祖宗將北歸京師諸王及文武羣臣合辭上請今國家無主願留以主宗社臣民皇考固讓親賢衆曰今日嫡長與德咸屬殿下願蚤正大位懇辭弗獲乃告天地宗廟社稷卽皇帝位凡建文姦臣所削諸王封爵所變亂洪武制度所廢黜洪武臣僚非其罪者咸復之中外交武之臣無改大赦天下改明年永樂元年弘敷仁政綏撫彫敝申戒百司振舉綱紀蚤晚臨朝率漏盡十刻乃罷若議大政定大策恒至忘食有奏

邊警急務雖夜必興召群臣定議行之不稽頃刻致嚴祀事秉誠對越惇恩九族防範以禮加勵學校躬視大學釋奠先師命儒臣講經敬老尚德間與儒者討論至意孚洽廣求賢能尤重科目苟得其人不次擢用愛惜人才寸善不棄嚴覈考課務崇實效深體下人之艱凡有役作撫恤周備四方上水旱災傷必遣人巡視賑濟廣開言路雖疏賤咸得自達苟有可採欣然納用不當者不罪總攬權綱知人善使所任之賢委以心腹始終不疑信賞必罰愛重名爵武臣

必論軍功一資半級不輕畀鑒前代之失保全功臣
數賜訓戒有過不爲曲蔽必諭之使改弗改或斥閒
居或謫立功無幾卽復之臣下有過能改待之加厚
未嘗宿怒死刑至四五覆奏疑獄多從寬貸近寺有
過雖小必懲與廷臣言議左右侍衛悉引避浸潤之
譖不行諂諛之人終見棄斥矜過誤畧小罪不以一
青揜衆善不以私愛蔽大惡聽言不待其盡洞燭底
裏臨幾剛果裁制大事數語而決與下人言開心寫
誠表裏洞達惜物儉用嘗服澣濯之衣未嘗妄費却

封禪之請羣臣有上祥瑞必降璽書戒警修葺典禮
表章正學自製聖學心法及務本之書以訓子孫命
儒臣集五經四書性理大全以開來學類集大典囊
括古今包羅天地浩浩穰穰自有載籍以來莫斯爲
盛又作孝順事實爲善陰隲等書無非以淑人心致
化理時雖盛治武備修飭良帥精卒所在足用屯戍
有法廩庾充牣邊境清肅焉念舊封國受之先帝陞
爲北京備兩都之制舉時巡之典所至禮高年訪遺
逸親過農家問其疾苦指示子孫羣臣使知稼穡之

艱懷撫四裔德澤廣被無間小大朝覲貢獻日聚闕下西南海外新受封爵者三十餘國亦有遣子入學詔使至錫蘭山國其王不奉命使者執以歸赦之遣還而改建其族人東踰遼海鞭鞞野人女直之境直西部落數百種皆重譯來歸請建官府者三西南羌夷建宣慰宣撫安撫司及軍衛郡縣視舊加倍立行都司衛所設官統理者幾三百所安南拒命一舉削平之而郡縣其地獨北反覆數爲邊患皆率師親征驅諸絕漠之外嘗曰非吾志窮武誠不忍邊人無

辜且不以患遺後人用兵善以少擊衆料敵審勢開闔應變機智如神至偏裨小校悉識其能否勇怯臨陳指使各當其用所獲敵將察其才勇赦之寘諸左右任用不疑後卒得其死力命將出師指授方畧所向成功征伐以不殺爲主有法所難宥者誅之猶累日不懌永樂十九年遷都北京二十二年七月親征漠北凱旋次榆木川不豫辛卯上賓嗚呼哀哉皇考壽六十有五年在位二十有三年皇妣純孝慈懿誠明莊獻配天齊聖文皇后徐氏中山武寧王達之

長子貞靜誠一上佐皇考孝德彰聞親睦族姻表正
宮壺內篤王化之本協贊治平之道功德之茂追配
任妣永樂五年七月乙卯崩壽四十有六年合葬長
陵陵預作於天壽山皇考遺命山陵悉遵洪武儉制
不藏金玉寶器皇子三長子小子高熾次漢王高煦
次趙王高燧皇女五永安公主永平公主安成公主
咸寧公主常寧公主孫男二十有三皇太子瞻基鄴
王瞻垓越王瞻墉蘄獻王瞻垠襄王瞻塏荆王瞻垲
淮王瞻塽滕王瞻埜梁王瞻垧衛王瞻埏漢懿莊世
子瞻壑庶人瞻圻世子瞻坦濟陽王瞻叁臨淄王瞻
域昌樂王瞻埤淄川王瞻墀齊東王瞻坪任城王瞻
塿海豐王瞻塏新泰王瞻邲趙世子瞻垓安陽王瞻
塢嗚呼惟我皇考祇奉北藩二十餘年恭謹一心及
迫於危殆不獲已以一城羸弱當四方全盛之衆其
志固在保國家衛社稷惟天惟祖宗實鑒佑之此豈
人力所能爲哉惟皇考靖難之績實配皇祖開創之
功而守文致理充拓疆宇才畧之大條理之密又本
之堯舜文武之心故勳業甚盛視漢唐宋以來軼而

過之遠矣謹拜手稽首而陳頌曰天眷中夏肇啓皇
明巍巍太祖受命隆興浚仁弘義誕撫萬方六合一
統熙如春暘嗣興無何讒慝有起變易經常紀簾綱
弛如伐巨木先摧附枝咸劉親藩宗社其危盈庭之
言蜚訕騰毀皇考曰噫修予在已飾罪加師霆轟電
掇國人惶惶命不覲活皇考曰噫帝尚明哉陳詞再
三讒慝格之皇考曰噫天其可誣臣不負君惟天鑒
予讒慝厥志匪直予旤祖訓昭明予敢遺墮惟天諒
予祇朝京師庶其達誠讒人底誅桓桓敵旅四面來
赴倒戈迎降皇考是附長江天亘武夫雲聚聯艦迎
濟如迎父母城門大開懽迓聖明皇考曰止予欽予
行讒人失措脅主自焚皇考驚慟曷自絕天篤君於
禮敬厝陵土乃戮讒慝以謝天下恭謁祖考歸奉北
藩宗王臣民叩馬跪言神器孰主生靈孰依天序攸
屬必止無歸萬衆同情堅不可拒齋潔致告天地宗
社乃御大寶乃詔庶邦寰宇一新如晦復明德恩汪
濊施由親始起仆濡枯不間遐邇直枉疏滯剔瑕濯
汗惠流率土歌呼載途文武列辟不易厥位有紊典

常咸復舊制雞鳴以興儼乎衣裳心與道謀周爰四方
昧爽視朝至日中昃文王康功允念弗釋總攬正綱
惟斷與明剛健中正體乾之行恆察邇言簡用厥中
大舜好善古今攸同肅肅泰壇穆穆清廟躬秉圭瓚
致敬隆孝一食在前念彼耕農一衣不忘蠶女之功
八政所紀日時先務恤之優之諄諄勿舍增崇庠序
培敦教育講學化導人用咸服躬視辟雍脩謁先師
翼翼其敬秩秩其儀四方率承表端影從絃歌洋洋
藹然休風成德達才布於中外一其誠恭熙帝之載
旣惇五典旣叙九功惇度咸真帝載之隆如海之涵
如天之覆小善必錄小過恒宥大賚之行靡遺疎賤
有姦干憲貴近弗追刑法之施如不獲已欽哉恤哉
覆奏四五宗室戚畹仁涵禮飾圖全悠久不苟姑息
近寺之患古者是監杜漸防微申令有嚴邊圉一清
雖安弗逸峙兵崇備崢嶸鐵壁慶雲醴泉麟鳳騶虞
稱祥獻瑞帝吁咈哉恒謂羣臣汝罔面從汝勤汝績
汝篤汝恭以綏婢嫠以弭瘵痲庶於朕翼以諧治功
聞承旱潦殷王自責馳賑以恤靡遑寢食致中與



原件短缺

和昭受多福屢錫豐年戶給人足爰建北京如周兩
都巡游省觀膏澤是敷海內海外究於四裔慕義歸
誠奉瑗獻贄或錫之封或命之官懷章縮綬累百踰
千雨露所陞日月所照凡厥有生咸披聲教南交弗
馴翦爲郡邑北■或梗驅走荒域功德所加寰宇用
寧禮具樂備丕昭皇明文謨武烈超漢軼唐中興邦
家皇祖之光允仁皇妣聖德作配協相之隆乾覆坤
載奕奕長陵扶輿翕聚山川盤迴龍翔鳳翥刻辭貞
珉永示子孫皇圖天齊千萬億年洪熙元年四月十

明崇禎諭天壽山守備勅

皇帝勅諭天壽山守備兼查飭內官監太監魏國徵
茲以寇賊遷延內地狡謀叵測肘腋重鎮倍宜嚴防
今命爾以守備事務總監昌宣二鎮照督臣體統行
事爾卽星馳前去會同現在督撫等官自保定交界
起至昌宣一帶沿邊地方緊要隘口墩臺牆垣勿論
內邊外邊山梁水澗俱要逐處相度隨方設險多添
火器調募軍兵置伏修顏遠偵確探務令外不能窺
內不能犯仍往來稽覈刻期課功晝夜上緊風雨無

怠大小文武各官但有悠忽諉卸塗飾偷安即指實
飛恭邊防既固隨將所屬城堡逐一整理凡火炮懸
簾器械有無完備安設如法垣墻溝塹有無修濬堅
深部伍馬匹有無精銳膳壯倉廩糧料有無召買儲
積軍士關領有無如期乾潔俱委官分督立限報完
如有錢糧侵耗器甲不堪支放抑勒離信送迎上賄
下剝徇情畏勢等弊即指實叅奏處治至於煙酒硝
黃布帛茶葉鐵器違禁等物設法防緝私販出口違
禁者即會同正法故縱者同罪有功者與斬敵同賞
一切機宜俱與總督鎮撫按道計議而行爾受茲重
任自宜潔已奉公不許受人一文徇人一囑扶同蒙
蔽以虛爲實仍嚴戒內外員役但有織毫貪索徇情
除本人立置重典即爾罪亦難辭爾尚仰體丁寧之
至意務期實裨邊計以副委用爾其欽承之故諭

崇禎九年八月初五日

明謁陵記事

宣德五年春二月帝奉皇太后率皇后謁長陵獻陵

駐天壽山帝請皇太后令張輔蹇義楊士奇楊榮

金幼孜楊溥六臣見行殿賜酒饌白金文綺

正統十二年春三月帝謁陵畢幸銀山大延聖寺降

香賜僧白金綵幣賜名延聖寺曰法華

十四年十月北兵焚長獻二陵命石亨等軍於沙

河于謙督其軍

天順三年天壽山守備廖鏞奏建譙樓

成化二十三年正月萬貴妃卒葬天壽山發引帝痛
悼輟視朝七日

正德元年吏部尚書林瀚請升昌平縣爲州領懷柔
密雲順義三縣四年宦官劉瑾請降爲縣九年縣
丞張懷援林尚書例復爲州

嘉靖十四年章聖皇太后崩帝詣山陵大峪山躬往
相視

十五年三月帝幸山陵命建粹澤亭於九龍池嫌
景陵規制小稍廓大之又作壽陵免本年糧稅三

分之二凡七十以上者各官給布二匹米一石肉
五斤九十者倍之生徒每給燈油八十斤

隆慶二年春二月謁陵

萬曆八年三月十二日帝同兩宮太后及中宮等躬
祀山陵至十六日旋蹕

十一年閏二月十二日帝躬祀山陵 九月初六
日復祀山陵

十二年九月十三日帝同兩宮太后及中宮等躬
祀山陵至十七日旋蹕 閏九月初六日帝躬祀

山陵至初十日旋蹕

十八年八月帝躬祀山陵

四十年六月葬皇貴妃王氏

四十二年夏六月十五日合葬皇太后於永陵

天啓七年秋七月皇陵災

崇禎九年十月大風數日吹折陵樹無算

十七年春山陵諸水竭

肅松錄 卷二

明陵制

香帛亭 三間在州西專奉春秋
二祀香帛祭品今廢

松園 在州城東門外
備補陵樹今廢

石坊 距州城五里石柱六崇五尋四面用彫石南
北以獸東西以山作門五趾廣一十八丈二
尺修四丈五尺中門一丈八尺兩旁門四三
分中門而去二尺所築之石度修之數而九
之中門之石博七尺前後
則殺矣嘉靖十九年建

石橋 距坊三十步
三間磚闌

大紅門 距坊二里東西有山以垣繚之趾廣三十
步階崇三尺立門五皆圓闕中廣二丈四

尺修四丈五尺外下馬石牌二明時臣僚
謁陵必先於州署報名乘轎至石坊下而
騎至此

則趨入

時陟殿

距門甚近西向正殿二層配殿
羣房六十餘間今圯俗名彈塵

擎天柱

四莖圓立於碑亭之四隅各距亭二十六
步有半柱崇三尋臺崇五尺六面彫以盤

龍距神道
二十五步

碑亭

長陵功德碑洪熙御製文元年建坡四步有
半臺崇三尺南北一十二丈六尺東西亦如

之門四出重屋碑崇三尋座廣一丈五
尺修一丈八尺霸下承處琢水波文

石望柱

二距擎天柱三百一十五步柱六角幾三
尋上有二盤相隔幾尺一覆一仰皆如孟

鏤成雲氣頂圓如
甯彫以龍崇二尺

石獅

四二坐二立項有鈴

石豸

四二坐二立

石駝

四二坐二立後足形如人跪

石象

四二坐二立坐之前足如張手狀

石麟

四二坐二立

石馬

四二坐二立俱驕

石將軍

四二攬甲帶刀而拱二帶刀而
右手執金瓜其柄短二尺有咫

石文像

四簪纓朝服執笏侍

石武像

四弁服執圭拱立以上人物形皆倍於生
其爪日鱗而則極攫閃之態也相距各三

十餘步

龍鳳門

距武像五十步門三臺臺三階廣一十五丈修四丈八尺中門廣一丈八尺旁六分

去一修亦如之石柱六字門稍存中崇三尋旁少殺墻則用黃綠琉璃綠飾也已顏委距長陵約十里其制如烏頭棹楔

石橋

受錐石德勝二口之水計至長陵共七座隨渠之廣狹為之或九間或七間或五間則名為九鳳七鳳五鳳云

皆繞以白玉石闌

感恩殿

至陵墻三里嘉靖十九年建殿壁俱圯

具服殿

在長陵西側今殿三楹尚存

以上長陵規制

省牲亭

在長陵東重屋四出今存各陵俱有思陵無

神馬殿

各陵俱有思陵無規制如神宮監

神宮監

每陵俱設大門二門大堂川堂二堂旁夾道或七所或十餘所俱東西相向一門一

堂堂左右二廂

宮門

三皆圓闕

稜恩門

三三楹

稜恩殿

七楹或五或三

靈寢門

三或起臺或不

寶城

磚築或覆以石

明樓 寶城之樓也重屋四出上一層立額曰某陵中則立碑題某宗某帝之陵云

以上各陵俱同

長陵

在康家山癸山丁向永樂陵也適居天壽山之中

宮門

三有臺三階廣十丈二尺修四丈五尺門作圓闕中廣一丈八尺修二丈七尺左右廣殺之修則均也

東神庫

五楹

西神庫

五楹

碑亭

一近東神庫四出重屋南北四丈五尺東西亦如之碑石崇二尋座廣一丈五尺修一丈八尺霸下琢水紋碑無文以下諸陵同

稜恩門

三距宮門三十步臺廣十五丈修七丈二尺石闕前後計三十門如其臺而少殺焉前階九後階八

陵恩殿

一距陵恩門四十二步有半臺三成廣十
五丈九尺修四丈五尺一成八階次成五
階三成亦五階每成周以石闌一成一百
二十有九次則一百二十有三三則一百
一十有二殿九楹廣二十八丈八尺修十
三丈五尺東西四楹皆短牕中設紅案一
配殿東西各二皆十五楹牕無丹墀旁作
二掖門以入凡門與牕皆順治年間重修
此特
思也

焚帛亭

二在殿左右皆用黃琉璃
磚如榻扇者作庫狀

靈寢門

三距殿後門階十五步臺廣七
丈二尺修二丈四尺門殺之

龍鳳門

一距靈寢門十六步止存石柱二門左松
柏七十五株右四十一株皆順治年間新
植者

石几

一距龍鳳門三十步几崇五尺長三丈博四
尺有咫几上石爐一無蓋石蠟臺二已移在
地

明樓券門

距几十六步有半作坡而上及臺臺廣
七丈三尺修三丈三尺券門廣一丈八
尺修二十七丈六尺迤邐而上至壻土
內即陵也左右開二磴道三折而上為
寶城矣

明樓

樓四出重屋磚甃為圓闕黃土盛南北七丈
八尺東西亦如之上層額曰長陵中立碑
崇幾二尋石座方崇三尺琢龍雲文博一丈
二尺深九尺碑龍首大明二字篆書碑題曰
成祖文皇帝之陵楷書

石地紅髹字泥金

寶城

周圍七百三十一步有半塚
二百四十二磚甃高三丈

獻陵

黃山一嶺癸山丁向在長陵之右洪熙陵也

石橋

一間橋西又有小石橋二至陵里許

碑亭

距橋十步亭南北四丈八尺東西亦如之碑可二尋石座廣一丈五尺修九尺餘同前一在左

省牲亭

稜恩門

三三楹崇一尺臺廣九丈修四丈八尺門三分其臺而殺之匾額無存

焚帛亭

稜恩殿

一距門二十三步臺高二尺五階廣八丈一尺修三丈六尺殿五楹廣十五丈二尺修六丈三尺周以石闌五十有二配殿各三楹殿後穴中雷為穿堂修三丈二尺後一門磚壘門外即陵案山

石橋

三俱一間中石

靈寢門

三距殿後門約半里無臺距橋五步門廣九丈三分而鴻殺之其修則均一丈八尺

龍鳳門

一距門左松五右松柏十五皆老樹

石几

一距門二十步几同諸

明樓券門

後至琉璃屏六步陵墻高八尺左右作

明樓

南北七丈八尺東西如之額曰獻陵碑高與長陵同題曰仁宗昭皇帝之陵石座廣九尺

寶城

周二百四十五高三丈

景陵

黑山艮山坤向在長陵之左宣德陵也

碑亭

南北三丈七尺東西如之石座

祿恩門

三距碑亭三十七步臺廣八丈五尺修四丈八尺門階六廣九丈修四丈八尺內階五

焚帛亭

二左頂少坳

祿恩殿

距門十七步臺五階廣八丈六尺修五丈一尺石闌五十二殿五楹旁二楹短窻廣十五丈六尺修十一丈六尺中香案一黃琉璃爐一神木座一沉香色髹四柱崇四

靈寢門

三距殿後階七步門廣四丈二尺修一丈五尺門無左右柏二

龍鳳門

距陵門七步石柱崇三尋門全左大松六
小松三十六東南隅大松一已枯右大松
八小松二十九

石几

距龍鳳門十九步有半几長五丈博九
尺高四尺五石器全惟東石蠟臺失頂

明樓券門

坡距几甚逼迤邐而上十八步臺廣十
二丈六尺修五丈東西喬松二券門修
八丈三尺五步至屏屏

明樓

南北七丈八尺東西如之額曰景陵碑題曰
宣宗章皇帝之陵石座廣一丈二尺修六尺

寶城

高五丈七十五步堵二百七十有
六高三丈陵上多小松柏牆與城等

裕陵

石門山癸山丁向獻陵少西天順陵也

碑亭

南北四丈三尺東
西如之碑座同

石橋

三距亭十二步半中右石闌十七
左則損壞矣旁二橋磚築俱一間

稜恩門

三距橋一百十步臺廣十六丈五尺修五
丈一尺門三楹廣十六丈修五丈一尺匾
額無

焚帛亭

二左無頂

稜恩殿

距門二十二步有半臺崇三尺階五廣十
五丈三尺修三丈九尺石闌五十四殿五
楹廣十五丈九尺修八丈八尺旁左右二
楹短窻內香案一黃琉璃爐一左耳已損
煖閣左榻扇二尚存神座二皆如榻狀一
大一小陛一五級小朱紅交椅一配殿亦

靈寢門

五楹右簷已壞殿左前松八株後松十八株右前松五株後松十四株距殿後墻階五步有半門廣一丈五尺修一丈八尺門扇無內有石方臺二圍香柏二株已毀

龍鳳門

距紅門七步有半門猶存左大松十一中松二右大松十中松二十七距龍鳳門十七步几長三丈博九尺五石甃全几左右如陵門內石圍柏二今無石亦地

明樓券門

距石几二步坡十二步臺廣十三丈八尺修三丈券門修九丈三尺屏廣二丈四尺黃琉璃磚築後即陵

明樓

南北七丈八尺東西如之額曰裕陵碑題曰英宗睿皇帝之陵碑石同

寶城

周回三百三十步梁二百五十高四丈六尺陵上東松二十五西松四十三蒼古鬱然

景皇帝陵

玉泉山子山午向景泰陵也

紅墻門

三門修九尺廣一丈二尺有左右角門修六尺廣九尺墻上俱用城梁形皆塌損

碑亭

距紅墻門七步南北三丈七尺五寸東西如之碑座題曰恭仁康定景皇帝無重屋東神厨房四間西神庫三間司香太監住外用紅墻隔住內有紅墻開一門廣一丈二尺修亦

如之

稜恩門

一距墻八步無匾三階修三丈九尺廣五丈四尺左松一又松二俱枯右松三枯一柏一皆老樹

稜恩殿

一距門九步臺修三丈廣六丈殿五楹廣四丈三尺修五丈七尺配殿東西各三楹殿左前柏五後大松一又大樹三皆枯殿右前柏六大松一後柏一又三枯皆古樹

靈寢門

無匾不重屋
紅牆也一門距殿二步有半十三階門修一丈二尺廣一丈五尺內即照壁五步為寶城城內左右松柏共四十二株起冢丈餘

茂陵

寶山癸山丁向祿陵西北成化陵也

碑亭

南北四丈五尺東西如之碑座同

祿恩門

三距亭三十二步坡四丈八尺臺廣十一丈三尺修三丈門階六廣九丈修四丈八尺隔額無左

焚帛亭

二尚完

祿恩殿

距門十九步有半臺階六左右階五廣八丈四尺修三丈九尺石闕五十二殿五楹廣一十四丈四尺修七丈二尺旁二楹短窓匾額全內香案一又小圓香案一青琉璃爐一無耳石蠟臺二玲瓏雕鏤石蠟二沉香色漆描金神座一龍牀一陛一爰閣三東西板壁頂福地板俱全鹵簿架四箇配殿二楹俱短窓中止長榻四東殿窓四

靈寢門

破一西殿中榻四完窻六破一殿左前大
松三小松二右前大松一後大松三
三距殿墻陞四步有半高三尺階六門作
三臺中門廣四丈二尺左右各二丈一尺

龍鳳門

許自關至上關火燒如炭門扇無
修一丈八尺中門右框有斧痕深尺
距陵門八步有半門完石圍柏二已掘去
左大松四十七右大松十九小松二十四

石几

距龍鳳門十一步五石器全几長三丈
博九尺左右亦有石臺柏樹亦無存

明樓券門

距几一步有半為臺臺壁內左右作二
磴道從東西上臺廣十二丈修三丈券
外磚壘作方戶修九丈六尺內破門扇
二黃琉璃屏至陵二步陵墻高八尺屏
前松

明樓

南北四丈八尺東西如之額曰茂陵
碑題曰憲宗純皇帝之陵碑座同

寶城

周四二百九十步堦三百六十三高
三丈六尺陵上大松十一右柏九



秦陵 筆架山壬山丙向茂陵正西弘治陵也

碑亭 南北四丈五尺東西如之碑座

石橋 三距亭十五步有半中用石旁用磚中石關七右顏

稜恩門 三距橋三十八步有半臺廣十一丈四尺

修八丈三尺門已毀今修皆穴墻而單戶

焚帛亭 二尺階五而內則階三也

稜恩殿 距門二十步有半臺高二尺階五廣八丈

七尺修四丈五尺石關五十三殿五楹廣十六丈二尺修九丈旁二楹短窻扁額無內香案一黃琉璃爐一餅二蠟臺二大瓦爐一神座一如榻沉香漆描金者煖閣內神牀一四柱陛一牀中更有一座如椅而

榻式左右榻扇五俱破板壁全地平板亦全殿左前松七後松四十七右前松七後松七十配殿五楹中一楹長榻餘皆短窓左中榻廊簷已破左短窓四破二長榻二右短窓五破

靈寢門

三距殿墻階四步有半門作三臺高八寸中門廣四丈二尺修半之旁廣三丈修亦半之中門已倒惟

龍鳳門

距靈門七步有半門全左大松六小松二百三十六右大松八小松一百七十一

石几

距龍鳳門十四步有半几長三丈博六尺五石器全几左右有石圍柏樹已掘去几後松

明棨券門

距几三步有半坡十四步臺廣一十四丈四尺修三丈六尺臺上左松十一柏

一右松三券門修十一丈一尺內破門扇二屏距券門六步用黃琉璃陵墻高六尺

明樓

南北八丈七尺東西如之額曰泰陵碑題曰孝宗敬皇帝之陵碑石同

寶城

周回三百七十步有半梁二百四十九高三丈

康陵

蓮花山辛山乙向泰陵之南正德陵也

碑亭

南北九丈七尺東
西如之碑石同

祿恩門

三距碑亭五十八步坡二步有半臺階三
廣十丈八尺修四丈八尺門廣九丈六尺
修四丈五尺扁無門外
古松一高可四五尋
二右已毀

焚帛亭

祿恩殿

距門十九步臺高二尺階五廣八丈一尺
修三丈六尺石闌五十四殿五楹不作重
屋殿額原不立廣十二丈三尺修六丈六
尺旁二楹短窻內香案一黑瓦蠟臺二黑
瓦爐一神座一神床一四柱栴扇一陛一
煖閣中櫺存四右旁板壁止半木刻彩畫
獅象墩八箇木架二殿簷前復立柱一層
爲五間上下作二層篾簾櫺扇紅漆之以

蔽風雨今中存一扇左二扇右全上層小
榻尚存十二扇俗名遮陽扇也殿左前大
松三後大松九右前大松五後小松十三
配殿各五楹左短窓五又二已破中長榻

一全一破右中長
榻二全短窓二全

靈寢門

三距殿墻四步門高四尺階四門作三臺
中廣四丈二尺修一丈五尺左右廣一丈

八尺修亦如之

龍鳳門

距門六步有半石柱比諸陵差短門全左
大松十五小松二十九右大松二十二小

七松

石几

距門八步有半几長二丈
七尺博九尺五石器全

明樓券門

距几二步上坡十二步有半臺用石鋪
廣十二丈六尺修三丈七尺券門修八

丈七尺舊門扇二至黃琉璃屏
五步陵墻高五尺臺上松五

明樓

已焚毀碑題曰武宗毅皇帝
乙陵有火裂文石座亦裂

寶城

周回三百七十步有半
築二百六十一高三丈

永陵

揚翠嶺良山坤向長陵東南嘉靖陵也

碑亭

南北三丈六尺東西如之座廣一丈五尺修二丈四尺高三尺碑同

官門

三第一層門也距碑亭四十三步有半臺廣十八丈三尺修九丈門階四廣二十四丈修

二丈四尺

官門

三第二層門距外官門五十步陟廣一十丈四尺修四丈二尺大門及西門用磚塞惟東

門留一門出入左右有神庫厨各五楹如長陵制

祿恩門

三距官門三十七步有半五楹有臺崇七尺階十二廣十二丈五尺修五丈一尺外

石闌三十六內石闌三十一階九

焚帛亭

二俱無脊

稜恩殿

距門三十一步有半臺階十二廣二十四丈三尺修四丈五尺石闌八十殿七楹旁二楹短忘廣二十二丈二尺修十丈二尺內香案一殿後門臺階亦十二石闌三十四殿額存惟右阿飛簷稍壞配殿左右各九楹殿東柏五株西七株俱小丹墀墻左右各開

龍鳳門

距殿門趾十三步石柱高三尋門全柱大一六圍六寸而高過於諸陵也左右墻各開一掖門通外夾道與諸陵異左柏八右松柏十四

石几

距龍鳳門二十九步有半几長三丈博九尺五石器全

明樓券門

距几七步有半臺廣十五丈六尺修三丈三尺不開門左右作坡迤邐至臺壁上生小柏樹三左柏樹八右柏樹七復於臺左右作磴道立石門皆北上復東

明樓

南北八丈四尺東西如之額曰永陵碑題曰世宗肅皇帝之陵碑石同前惟碑座方而銳作五成琢刻之一龍次雲次水次山末則素矣樓中布地者俱用琢方花斑石墻上松二樓南柏一幾拱東

寶城

西折歷階九至寶城墻上松四十九東一栝子松最可愛又東松三柏七西柏十五周回五百五十五步有半梁四百五高三丈三尺梁俱用花斑石壘成品字

昭陵

大峪山乾山巽向定陵西南陞虞陵也

碑亭

南北五丈一尺東西亦如之座廣一丈五尺修二丈四尺碑同

石橋

距亭十步有半橋三座皆一間石關十七左右俱全旁用磚砌

稜恩門

三距橋三十步坡十二步有半臺廣十丈八尺修半之高一丈門階八崇五尺廣十

丈二尺修四丈八尺額已失內階一

焚帛亭

二春俱圯

稜恩殿

距門二十六步有半高四尺階七臺廣十五丈六尺修三丈六尺石關六十二翼五

楹廣十五丈修九丈旁二楹短窻中香案一神床一無柱暖閣三間柱與榻板上櫃

頂格俱全殿左松大小四十八右松大小九配殿左右各五楹高三尺階六

靈寢門

三距殿陞七步有半門三臺廣十丈八尺中階十門廣一丈六尺修一丈五尺左右

廣一丈二尺修亦如之門扇無

龍鳳門

距門十步有半門全左

石几

距門二十步几長三丈博九尺几左右石圍柏樹臺已圯惟右新植一小柏在內

明樓券門

距几三步坡十七步臺廣一十五丈修三丈券修一丈二尺屏距門六步有半

屏中用五色琉璃磚階入四隅亦用五色琉璃綠之餘則朱地也視諸陵則泰

甚矣陵墻高丈許

明樓

已燬碑題曰穆宗莊皇帝之陵為火焚裂

寶城

周回三百九十步堞二百三十七高三丈陵上起氣用三和土築圓約高丈餘

定陵

小峪山戌山辰向昭陵南隔一溪萬曆陵也

石橋

三中石旁二磚俱毀

碑亭

距橋六十五步南北四丈八尺東西如之碑廣一丈八尺修二丈四尺座四角彫水族前

左以魚前右龜後左以螭後右以蝦亭已毀垣四堵而已

宮門

三第一層券門也距亭三十步坡五步臺廣十九丈八尺修六丈高二尺門陞廣十二丈

修二丈七尺中門廣一丈五尺左右一丈二尺內神庫厨左右各三楹俱毀

宮門

三第二層券門也距外宮門四十五步階三臺廣十二丈門修廣與外宮門同門旁墻開

左右掖門各一已毀

稜恩門

三距門四十五步高七尺階十三臺廣十二丈六尺修六丈三尺門五楹階九俱毀

焚帛亭

門旁墻左右
開掖門二
二俱毀

祿恩殿

距門三十六步臺高七尺階十一廣二十一
二丈八尺修四丈二尺殿七楹廣二十一
丈修十二丈石闌左存三十一右存二十一
三殿後門石闌左存十四右存十六殿旁
牆左右各掖門一階五餘俱毀
配殿左右各七楹高三尺俱毀

龍鳳門

距殿門趾十二步止存石柱二高可三尋
左右牆東西開角門一通外夾道如永陵
制

石几

距門三十一步几長三丈博
九尺五石器惟蠟臺上層跌

明樓墻

距几七步有半不開門如永陵制臺高四
尺階七廣十八丈修十八丈三尺皆用方

明樓

石厚四尺或長五六尺者築成旁作二磴
道東西上寶城右城墻上生一小柏
南北六丈六尺東西如之額曰定陵碑比諸
陵稍長題曰神宗顯皇帝之陵上頂不用木

寶城

板皆用磚石起圓闕四出巍然獨存
者此也布地俱用花斑石如永陵
周回七百二十一步梁三百八十高三
丈二尺梁俱用花斑石壘成亦如永陵

慶陵

黃山二嶺癸山丁向獻陵西北恭昌陵也

石橋

一石關九左右俱全
自橋至陵松柏鬱然

碑亭

距橋十五步南北七丈二尺東西如之石座
廣一丈五尺修一丈八尺刻魚龜如定陵

稜恩門

距亭十五步松樹皆列為十八行臺廣十
丈八尺修四丈五尺門三楹階五廣九丈

修四丈
八尺

焚帛亭

二一亭門損餘俱全

稜恩殿

距門二十五步臺崇五尺中階九旁階八
廣十丈二尺修四丈二尺石關八十六殿

五楹廣十五丈六尺修九丈旁二楹短窓
內香案一石方小爐一煖閣三間四柱頂
板俱全左一間榻扇四三全一破中扇一
全一破右扇一全一破配殿五楹左右共

有破短窻十五扇尚存殿前左松七後松二十六前右松五內一株並生後松十八

皆老樹

陵門

一距殿門趾六步有半廣一丈五尺修亦如之門內松樹三行右七株一列左四五一列

因逼山也

石橋

三距門十四步三橋皆石中橋石闌九旁七俱完松樹皆左右列為十八行一行六七株

皆老樹

靈寢門

三距橋八十三步有半門作三臺崇三尺階五中門廣四丈二尺左右三丈三尺中

修一丈二尺左右如之

龍鳳門

距門七步三尺門全左松四十三右松四十八皆老樹

石几

距門九步五石器全几同諸陵

明樓券門

距几三步有半臺崇一丈二尺廣十二丈修四丈八尺門修九丈三尺後陵墻

高與寶城齊屏中用琉璃磚

明樓

南北七丈八尺東西如之額曰慶陵碑題曰光宗貞皇帝之陵碑石座俱同

寶城

周回三百四十五步梁二百二十五高六丈起冢如定陵

德陵

雙鎖山潭子峪甲山庚向永陵東北天啓陵也

石橋

一五門左右石關俱倒

碑亭

距橋一百三十步東西五丈四尺南北如之
碑座廣一丈五尺修一丈八尺下刻水族如
定陵

稜恩門

三距亭二十二步有半廣九丈六尺修五
丈門崇五尺階七廣九丈三尺修五丈一
尺額無
內階三

焚帛亭

二少損

稜恩殿

距門九步臺高六尺階八廣十二丈六尺
修五丈四尺石闌七十三殿五楹廣十一
丈四尺修六丈六尺內香案一
配殿五楹殿額額在重簷上

靈寢門 三距殿門陞三十三步臺階九廣

龍鳳門 距門十二步止存石柱二左

石几 距門十九步几長二丈四尺博

明樓券門 距几二步上坡九步有半臺崇九尺廣

琉璃屏五步屏後即陵墻與城等左右作二磴道上

明樓 南北七丈二尺東西如之碑

寶城 周回二百五十八步堞二百二十九高三丈

寸

思陵 錦屏山子山午向小紅門內崇禎陵也

碑亭 南北四丈八尺東西如之碑

宮門 三距亭十一步階三惟中門

饗殿 距門十三步有半階三無臺殿三楹廣七丈

設一神牌高二尺五寸石青地雕龍邊以金

泥之題曰大明欽天守道敏毅敦儉弘文襄

武體仁至孝莊烈愍皇帝中楹為煖閣長榻

六扇中供木主三中則愍皇帝左則周后右

靈寢門 三距殿陞四步穴墻為門中廣二

明樓

距門十一步不起樓階四中開一門左右夾
窓二碑石廣一丈六尺修六尺龍彫方座高
丈許題曰莊烈
愍皇帝之陵

石几

距樓十步長五尺博二尺几前石器五俱高
八尺方式彫龍中一鼎與諸陵異俱列在地
距几甚近無城周回用墻高六尺中以石
寶城
灰起冢高四尺繚以短墻左松八右松七

寶城

附

康老墓

在長陵右側陵下兆時諸墓盡遷惟此墓
以其家山故存墻繞之每春秋上陵用羊
祭豕

賢妃二井

一在德陵南成祖八妃墓此名東井一
在定陵西南亦成祖八妃墓此名西井

悼恭太子墓

憲宗子

哀冲太子墓

世宗子 俱悼陵北

萬妃墓

在西井南事憲宗者

鄭貴妃墓

在悼陵西事世宗者

鄭貴妃墓

在銀泉山事神宗者

太監王承恩墓 在思陵右側 世祖章皇帝親為文祭之併製碑

文

悼陵 在襖兒峪小紅門內原孝潔皇后塋此後遷合永陵塋榮安沈貴妃事世宗者悼陵之神

宮監今思陵司香居之外紅門三內門亦三

中殿或五楹或三楹配殿三楹焚帛亭一在殿左殿後即陵或石几一或石碑一以墻周

其墓不過二尺也瓦磚俱用青琉璃殿用黃琉璃鑲簷脊

墻純用黃矣 此太子貴妃陵制如此東井則一門一殿二配今猶存也

果園


長陵園 在神仙洞北

獻陵園 在州南門外少西

景陵園 在天壽山北

裕陵園 在景陵園西

茂陵園 在大松園西

泰陵園 

康陵園 俱在大紅門

永陵園 在神仙洞前

昭陵園

在西山口

定陵園

在州西門外御路西

慶陵園

在白浮村

德陵園

在州西門迤南

前松園

在州城東門
外備補陵樹

榛廠

長陵廠

獻陵廠

俱在渤海所

景陵廠

在州治韋村

裕陵廠

泰陵廠

俱在懷柔縣

茂陵廠

永陵廠

昭陵廠

定陵廠 俱在審雲縣

康陵廠 在紅川柳溝

慶陵廠 在平谷縣

德陵廠 在薊州盤山

晾果廠 一在州城內今廢餘俱在京師坐落無考

回料廠 在沙河奠靖所乃為春秋二祀所用物料之處今廢

陵衛舊制

每衛軍多寡不一皆屬鎮守調度衛官惟管本衛軍糧今裁

衛掌印官長陵一員 十一陵同

經歷長陵一員 十一陵同

鎮撫長陵四員 獻一員 景三員 裕二員 茂泰康永俱一員

指揮長陵十員 獻五員 景七員 裕十一員 茂泰俱九員 康十二員 永八

員 昭定同 慶十一員 德十二員

正副千戶長陵十七員 獻十四員 景十二員 裕十五員 茂十五員

泰同 康十九員 永同

昭十八員 定十九員

慶同 德十五員

百戶長陵二十員

獻十八員
二十五員

景二十三員
茂二十五員

裕
泰

二十二員
二十四員

康二十六員
昭二十二員

永
定

二十三員
十九員

慶二十六員

德

冠帶總旗長陵五員

獻二員
茂三員

景二員
泰三員

裕二員
康四員

永六員
慶同

昭三員
德同

定四員

以上俱裁

陵監舊制

太監與衛官相表裏

掌印太監一員

方印曰神宮監印

同堂僉書

員數不定大約以二員為率俱在大堂
內住

掌祠

司香

不拘員數俱在夾道內住

以上諸陵同

皇清特設

司香太監

每陵設太監二員順治二年立無俸祿
每陵給香火養膳地七頃五年圈地今
止給三十五畝與陵戶同康熙十二年
太監中委總監一員定陵無

陵戶舊制

每一陵撥派五十名打掃香殿及看守經
門巡邏東西山口松園三處雖各州縣俱
有惟本州更多自我
朝定鼎以來悉投入內工部充灰柴炭炸
牲五行軍

皇清特設

順治二年每陵陵戶八名五年圈地次去
每陵戶一而兼兩陵至順治十四年修葺
前代陵寢每陵撥軍三名看守陵監及巡
邏樵採每軍給地三十五畝定陵不設

明陵薦新制

正月鷄子

二月芹菜

三月鯉魚

四月豕猪

五月嫩鷄

六月冬瓜

七月梨

八月稞菜

九月栗子

十月山藥

十一月蕎麥

十二月菠菜

十日山藥

十一月蒼朮

十二月茯苓

正月

二月

三月

四月

五月

六月

七月

八月

九月



